

Հ. Մ. Ղազարյան

ՄԱՏԹԵՈՍ ՄԱՄՈՒՐՅԱՆԻ «ՍԵՎ ԼԵՌԻՆ ՄԱՐԴԸ»  
ՎԵՊԻ ԳԱՂԱՓԱՐԱԿԱՆ ԲՈՎԱՆԴԱԿՈՒԹՅՈՒՆԸ

Մ. Մամուրյանը XIX դարի երկրորդ կեսի արևմտահայ հասարակական մտքի պատմության մեջ առանձնահատուկ տեղ է գրավում: Նա գրող էր, խմբագիր, հրապարակախոս, թատերագետ, լեզվաբան, թարգմանիչ, բանաստեղծ, մանկավարժ, ամենաէականը՝ հասարակական գործիչ և հայ ժողովրդի ազատագրական պայքարի անվեհեր զինվոր: Իրավացի էր Ա. Արփիարյանը, երբ գրում էր. «Մեր մատենագրության և օրագրության պատմությունը ընդարձակ ուսումնասիրությանց գլուխներ կվերապահեն Մ. Մամուրյանին»: Մեր նպատակն է, այս հոգվածում, համառոտակի բնութագրել միայն նրա գրական ստեղծագործության գլուխգործոցը՝ «Սև լեռին մարդը» պատմա-հրապարակախոսական բնույթի վեպը:

\* \* \*

Հայ գրականագիտությունը XIX դարի հայ պատմավիպասանության ներկայացուցիչներ սովորաբար համարել է Րաֆֆուն և Մուրացանին արևելահայ գրականության մեջ, Մերենցին՝ արևմտահայ իրականության մեջ: Բոլորովին աչքաթող է արվել Մ. Մամուրյանի գրական ժառանգությունը, մասնավորապես մեր գրականության ուշագրավ նմուշներից մեկը՝ «Սև լեռին մարդը» պատմավեպը:

1880-ական թվականների սկզբից քաղաքական ոեակցիան ուժեղ թափով մոլեգնում էր ցարական Ռուսաստանում, առավել ևս սուլթանական Թուրքիայում: Համիդյան ռեժիմը պատենշ էր դնում ազատ մտածողների առաջ, արգելափակում նրանց ուղին, ստիպում նահանջել 1860-ական թվականներին գրաված դեմոկրատական դիրքերից: «Փոթորկի և գրոհի» ներկայացուցիչ մտավորականներից շատերը չափավորում են իրենց պահանջները և թեքվում լիբերալիզմի և պահպանողականության կողմը: Մամուրյանը մեկն էր այն ըմբոստ մտավորականներից, որոնք չկամենալով հարմարվել նոր պայմաններին՝ ելք էին փնտրում: 1880 թ. նա գրում էր. «Բռնական իշխանությանց մեջ՝ խմբագիր մը տեսակ մը որովայնախոս պարտի լինել, որ առանց օձիքը ձեռք տալու ձայն լսելի ընելու հնար գիտնա»<sup>1</sup>:

Վիպասաններից շատերը ստիպված են լինում հայացքը թեքել դեպի պատմական անցյալը, գեղարվեստորեն վերարտադրել առանձին դեպքերի, ապրատամրությունների պատմությունը և այդ ֆոնի վրա ներկայացնել իրենց ձգտումներն ու ծրագրերը՝ մասնավորապես հայ ժողովրդի ազատագրության վերաբերյալ: Հրապարակ են իջնում Րաֆֆու և Մերենցի պատմավեպերը: Այդ

<sup>1</sup> «Արևելյան մամուլ», 1880, № 5, էջ 60:

շրջանում էր. որ լույս տեսավ նաև «Սև լեռին մարդը» վեպը, Մ. Մամուրյանի գրական «որոշված խոստովան» ամենանշանավոր գործը:

«Սև լեռին մարդը» վեպի շարադրման աշխատանքը սկսվել էր 1871 թվականից՝ «Արևելյան մամուլը» պարբերականի հիմնադրման առաջին իսկ օրերից: Վեպի առաջին և երկրորդ մասերը 1871—1880 թվականներին հատվածաբար հրապարակվեցին նույն պարբերականի էջերում: Թուրք ռեակցիոն գրաքննչությունը սկզբից ևեթ ուշադրության առավ հեղինակի գործը: Հայ պահպանողականների դրդմամբ Մամուրյանի ցենզորները պահանջում էին փոխել «Սև լեռին մարդը» վեպի մերթ այս, մերթ այն մասերը: Այդ ի նկատի ունեն հեղինակը, երբ գրում էր. «Ես ալ լոկ բառ մը փոխելով կըսեմ այժմ, պետք է որ տպագրական օրինաց շրջանակը լայնանա, թե ոչ գրիչս կկոտրեմ: Որո՞ւ և փուլթն, կոտրե, կփսփսա ականջիս մեկը»<sup>2</sup>: Ցարական գրաքննչությունը, և հատկապես արևելահայ պահպանողականները ևս երկնչելով վեպում արծարծված մտքերից, սեպնում էին, կամ կտրում հանում «Արևելյան մամուլի» այն էջերը, որտեղ տպագրված էին «Սև լեռին մարդը» վեպի հատվածները:

Չնայած այս հետապնդումներին, Մ. Մամուրյանը առանց տող անգամ փոխելու 1883 թվականին ավարտեց «Սև լեռին մարդը» վեպի առաջին և երկրորդ մասերի ամբողջական բնագրի հրատարակությունը: Հրատարակությունից անմիջապես հետո նրա վրա հարձակվեցին արևելահայ ու արևմտահայ պահպանողականները, և այդ պատճառով վեպը անավարտ մնաց: Հեղինակը հնարավորություն չունեցավ գրելու և հրատարակելու վեպի երրորդ և եզրավակիչ մասը: Այդուհանդերձ մեզ հասած վիճակով անգամ Մամուրյանի այս գործը իրենից ներկայացնում է գեղարվեստական և հասարակական-քաղաքական որոշակի արժեք:

Վեպի թեման վերցված է XIX դարի առաջին կեսի ռուս-պարսկական պատերազմի, հատկապես Արևելյան Հալաստանը Ռուսաստանին միացնելու պատմությունից: Պատմական ֆոնը հետևյալն է. 1826—28 թթ. ռուս-պարսկական պատերազմի ժամանակ վճռվում էր հայ ժողովրդի պատմական բախտը: Ռուսական բանակը հայ կամավորական զնդի և ողջ ժողովրդի աջակցությամբ գրավել էր Նրեանը, Նախիջևանը և սրբնթաց շարժվում էր դեպի Թավրիզ: Պարսկական Ֆաթ-Ալի շահի որդի Աբբաս Միրզան իրար հետևից տանուլ էր տալիս ճակատամարտերը: Ազատագրվում էր ողջ Արևելյան Հայաստանը:

Ռուս-պարսկական պատերազմում Ռուսաստանի հաղթանակին նկատելիորեն օժանդակում էր և այն, որ հայ ազգաբնակչությունը գրկաբաց էր ընդունում ռուսական բանակին՝ նրան ցույց տալով ոչ միայն նյութական, այլ նաև ռազմական ու քաղաքական օգնություն: Ներսես Աշտարակեցու, Հ. Ալամդարյանի և այլոց ջանքերով կամավորական ջոկատներ էին կազմակերպվում Թիֆլիսում, բուն Արևելյան Հայաստանում, ինչպես նաև Պարսկաստանում եղած հայ գաղթավայրերում, մասնավորապես Թավրիզում:

Վեպի գլխավոր հերոս Ռշտենց Ջորան Վանա լճի մերձակա Փարդաշ գյուղից է: Դրդերի հարձակումներից, թալանից ու ճնշումներից ձանձրացած Ջորան լքում է հայրենի կավածները, մեկնում Ատրպատականի Թավրիզ քաղաք և զբաղվում առևտրով: Կարճ ժամանակից հետո նա մեծ հարստություն է դիզում և պատրաստվում «ռազմական կամ քաղաքական» ասպարեզ մտնելու:

<sup>2</sup> Ն ու յ ն տ ե գ ու ժ, 1873. № 1, էջ 57:

Առիթը անմիջապես ներկայանում է: Ներսեսի կոչերը հասնում են Թավրիզ և ոտքի հանում շատ հայերի, այդ թվում և Ռշտենց Զորային: Կազմվում է նրա կամավորական ջոկատը, որը անցնում է ռուսական սահմանը և միանում հայ կամավորական զնդին: Զորայի ջոկատի և Սասունի լեռնականների ուժերով ազատագրվում են Նրնջակ բերդը, Խաբան ու Գողթն գավառները, Սյունիքի Բաղաբերդը, որին հեղինակը վերագրում է ռազմա-ստրատեգիական կարևոր նշանակություն՝ Պարսկաստանին դիմակայելու գործում և որը վեպում ստացել է Սև լեռ անունը:

Հեղինակը վառ գույներով է ներկայացնում հայերի ռուսական օրինենտացիան, բազմաթիվ էջերում նկարագրում, թե ինչպես հայ ժողովրդի հասարակական տարբեր խմբեր ու դասեր գրկաբաց էին ընդունում ռուսական զինվորներին, դիմավորում նրանց իբրև իրենց ազատարարների: «Հայերը, — գրում է Մ. Մամուրյանը, — ցորենն ու ալյուրը, արյունն ու կյանքը չէին խնայել օտար զինվորներուն, որ իբրև փրկության հրեշտակ իրեն կներկայանար... Հայ քաղաքացին իր տունը, մեծատունն իր գանձը, գյուղացին իր կալն ու կալուրայն, կրոնավորն իր վանքը, պատանին իր հոգին, լեռնականն իր բազուկները կբանառ ռուսաց առջև ու իբրև ազատաբառ զանոնք կընդուներ»<sup>3</sup>: Պարսկական կրնկի տակ հեծող հայ մշակները, արհեստավորները նույնիսկ եկեղեցական դասը, երեսնամյա երեխաները, որ իրենց երեսը դաժան բռնավորներն կպահին հանկարծ օր տեսան, երևան ելան և ազգային այս մեծ դատին մասնակից դարձան»: Ռուսական բանակի առաջընթացի պահին. «Մշակն իր մանգաղը շարժեց, դարբինը իր կռանը, վաճառականն իր տոմարը, վանականն իր խաչը՝ առավ, պատանին իր նոժիկն ու սուրը, կինն իր ասեղը, վիպասանն իր վին և կարծես թե հրաշք՝ բերդ, զենք, մթերք հայոց շուկաներն ու հրապարակն առատորեն թափեցան, միովյուն, սեր ու արիություն ամեն հոգիները վարակեցին, մարտական գեղահույս դրոշակներ և երգեր ամեն հոգի բորբոքեցին»<sup>4</sup>:

1826—28 թվականների ռուս-պարսկական պատերազմը վերջացավ Ռուսաստանի հաղթանակով: Արևելյան Հայաստանը միացվեց Ռուսաստանին: Կատարվեց հայ ժողովրդի դարավոր բաղձանքը: Նա ազատվեց ֆիզիկական բնաջնջման ահավոր վտանգից և ընկավ զարգացման անհամեմատ բարձր մակարդակի վրա կանգնած Ռուսաստանի տիրապետության տակ: Հայ ժողովուրդը կապվեց ռուս ժողովրդի հետ, հաղորդակից դարձավ նրա առաջավոր կուլտուրային, միացավ նրա ռևոլյուցիոն շարժմանը: Բարձր գնահատելով Ռուսաստանի կատարած առաջավոր դերը հայերի նկատմամբ, չպետք է մոռանալ Վ. Ի. Լենինի ասույթները երկու Ռուսաստանի մասին: Իրոք Արևելյան Հայաստանը կրեց ցարիզմի գաղութային քաղաքականության ծանր լուծը: Այդ քաղաքականությունը առավելապես ուժեղացավ 80-ական թվականներին, երբ սկսեցին փակել հայկական դպրոցները և փականքի տակ դրվեց ազատ խոսքն ու մամուլը:

1878 թ. Բեռլինի կոնգրեսը իր պաշտպանության տակ առավ «հնամաշ դիպլոմատիկական լաթը»՝ Թուրքիայի անբաժանելիության սկզբունքը: Արևմտահայությունը ոչինչ չշահեց պետությունների խոստացած ռեֆորմների հեռանկարից: Ընդհակառակը, ռեֆորմների հեռանկարը դուռ բացեց արևմտա-

<sup>3</sup> Սև լեռին մարդը, 1932, Աթենք, էջ 124:

<sup>4</sup> Ն ու յ ն տ ե դ ու մ :



հայ հատվածի համար սկսված նորանոր հալածանքների առաջ: Ավելի վատ-  
թարացավ արևմտահայերի վիճակը, քան էր մինչև ռուս-թուրքական պատե-  
րազմի շրջանը: Համիդականները, զազադած հայերի ռուսական օրինետա-  
ցիայից, սկսեցին դաժան դատաստան տեսնել արևմտահայերի հետ: Բանտ,  
աքսոր, մահապատիժ էր սպառնում ամեն մի ազատ մտածողի:

Այսպիսին էր հայերի վիճակը, երբ հրապարակվեց «Սև լեռին մարդը» վե-  
պո: Բնական է. Մ. Մամուրյանը ապրելով թուրքական պետության մեջ, միշտ  
իր գլխին կախված տեսնելով սուլթանական դամոկլյան սուրը, չէր կարող  
համարձակորեն քննադատել ու մերկացնել այդ կարգերը: Որչափ վեպի նյութը  
ընդգրկում էր Արևելյան Հայաստանը, հեղինակը իր քննադատության սլաքնե-  
րը ուղղում է ցարիզմի գաղութային քաղաքականության դեմ, նշավակում նրա  
վերաբերմունքը ծայրամասային ժողովուրդների, մասնավորապես հայ ժողո-  
վրդի նկատմամբ: Սակայն շոռանանք նաև ասելու, որ հեղինակի գրչի տակ  
ցարիզմը ճանախ շիրմա էր դառնում՝ սուլթանական կարգերը փնադատելու  
համար:

«Սև լեռին մարդը» վեպում գործող անձինք, Մ. Մամուրյանի ստեղծած  
հերոսները, ռուսական զորոշի ներքո կռվող «ուխտի զինվորները» տեսնելով, որ  
Նիկոլայ I-ը և Պասկևիչը դրժում են իրենց խոստումը, մերժում են հայերին  
«խոստացած ինքնավարությունը», Ներսես Աշտարակեցու խորհրդով ու գրգ-  
մամբ ապստամբում են Պասկևիչի զորախմբի դեմ, գրավում Սյունիքի Բաղա-  
բերդը և ամրանում այնտեղ: Ռուսական բանակը մի քանի գրոհներից հետո  
գրավում է Բազաբերդը, ոչնչացնում ապստամբներից ոմանց, իսկ նրանց ղե-  
կավար Ջորային շղթայում ու նետում հենց նույն ամրոցում եղած բանտը:  
Ապստամբներից շատերը ցրվում են Հայաստանով մեկ և ձգտում ազատել  
իրենց ղեկավար Ջորային: Նրանց հաջողվում է բանտում տեղավորել Ջորայի  
կնոջ՝ Նվարդին, և մեկ տարուց հետո ծնվում է մի տղա, Վարուժանը՝ Սև լեռին  
մարդը՝ Մամուրյանի այն նոր հերոսը, որը Հայաստանը և Վրաստանը պետք է  
ազատագրեր զինված պայքարի միջոցով:

Այստեղ պետք է նկատել, որ արևելահայերի ազգային ազատագրական  
շարժումները Մամուրյանը մատուցում էր պատմականորեն անիրական և հա-  
կապատմական շրջանակների մեջ: Ճիշտ է, որ ցարիզմի հալածական քաղաքա-  
կանությունը ծայր էր առնում արդեն իսկ XIX դարի 30-ական թվականներին,  
սակայն հայերի ռեակցիան դրա դեմ սկսվեց անհամեմատ ավելի ուշ: Բազա-  
բերդի ապստամբությունը հեղինակի երևակայության արդյունքն է սոսկ, և  
այստեղից էլ ծնունդ են առնում նաև Մամուրյանի թույլ տված քաղաքական  
վրիպումները:

Վեպի երկրորդ մասում արդեն որոշակիորեն զգացվում է Մամուրյանի  
թունոտ ատելությունը միապետական Ռուսաստանի նկատմամբ: Քննադատե-  
լով ցարիզմի ներքին և արտաքին քաղաքականությունը, հաճախ նա ծայրա-  
հեղության մեջ է ընկնում, անտեսում Ռուսաստանի կատարած պրոգրեսիվ գե-  
րը հենց Հայաստանի նկատմամբ: Այնտեղ է հասնում, որ քաղաքականապես  
ապակողմնորոշում է ընթերցողին և անտեսելով բոլոր դրականը, Արևելյան  
Հայաստանի միացումը Ռուսաստանին համարում է սխալ:

Ցարիզմի նկատմամբ Մամուրյանի ատելությունը, բացի հայերի «ազգա-  
յին շահերից» ունեն նաև այլ պատճառներ: Վիպասանը գտնում էր, որ Եվրո-  
պայում նրբեք ռևոլյուցիոն շարժումները հաղթանակով չեն կարող պսակվել,

քանի գոյություն ունի ցարական մոնարխիան: «Եվրոպան շրջանավոր քաղաքական ու տնտեսական փոթորիկներու դատապարտված է, եվրոպա, աշխարհիս ամենեն լուսավոր համարված մասը, ընկերային հրատապ խնդիրներով տազնապելու ատեն՝ կտազնապի քաղաքական ահարկու սրով մը, զոր Ռուսիա Տոմսկեսի սուրին պես, իր գլխեն կախված է, — գրում է Մամուրյանը»<sup>5</sup> կամ «Ռուսիան կգործե և պիտի գործե միշտ եվրոպայի դեմ, որպեսզի ժողովուրդները ժամանակ չունենան իրենց բուն շահերը մտածելու, համեալապես իրավունք և պարտավորություն ճանչնալու և ամեն բռնակալության դեմ միահամուռ կանգնելու»<sup>6</sup>:

Քննադատելով ռուսական ցարիզմը, համակրանք արտահայտելով եվրոպայի մասին, Մամուրյանը մտադրություն չունի ստանձնելու արևմտա-եվրոպական մեծ պետություններին ցարիզմի դեմ պաշտպանելու հոգսը: Ժողովուրդների իրավունքների պաշտպանության դիրքերից նա քննադատում էր նաև եվրոպական մեծ պետությունների երկդիմի քաղաքականությունը. ցույց տալիս, որ նրանք պաշտպանում են ազգությունների ազատության սկզբունքը սոսկ արտաքինապես, մինչդեռ իրականում դեմ են ամեն մի ազատագրական ու ռևոլյուցիոն շարժման: Մամուրյանը գիտեր անշուշտ, որ Ռուսաստանի կամ Ավստրիայի դեմ նապոլեոն 3-րդը առաջ էր քաշում ազգությունների սկզբունքը սոսկ ֆրանսիական բուրժուազիայի և բռնապարտիստական դիկտատուրայի դիրքերն ամրապնդելու եսակենտրոն, նվաճողական քաղաքականությունից ելնելով: Կասկած չկա, որ Զեյթունի ապստամբության ժամանակ բռնապարտիստների վարած քաղաքականության փորձից որոշ դասեր էր առել նաև հայ հրապարակախոս և վիպագիր Մամուրյանը: Ապարդյուն չէին եղել նրա համար սան Բեռլինի վեհաժողովի դասերը, ուր բացահայտվեց անգլիական իմպերիալիզմի երկդիմի նկարագիրը: «Մեծ պետությանց մեջ, — գրում է Մամուրյանը, — ազգերը դեռ իրենց ճակատագրի տերը չեն և կենցաղը փառապանության մը ծուղակն ընկած են»<sup>7</sup>:

1880-ական թվականներին ևս Մամուրյանը բացասաբար էր արտահայտվում եվրոպական պետությունների կառավարող շրջանների մասին, որոնք ժողովուրդներին պատրանքների մեջ պահելով, կողոպտում էին նրանց ունեցվածքը, ոչնչացնում փոքր ազգերի անկախությունը, պատերազմում մեկը մյուսի դեմ, միլիոնավոր առողջ և կորովի մարդկանց զրկում աշխատանքից և զորակոչելով բանակ, սպառազինում և ապա սպառնում թույլ մրցակիցներին: Մամուրյանի կարծիքով, եթե այդ ռազմական ծախսերը ներդրվեին երկրի տնտեսության մեջ, իրոք որ ժողովուրդները կկարողանային բարվոքել իրենց գրությունը, մինչդեռ թույլ կամ փոքր ազգերը կազատվեին եվրոպական գաղութարարների երկաթյա մագիլներից: «Եվ սակայն որքան պիտի թեթևանային շատ ընկերային աղետներ ու ոճիրներ, — գրում է Մ. Մամուրյանը. — եթե եվրոպա ընդհանրապես իր ներքին բարեկարգության խնդիրներով զբաղվեր, քան թե արտաքին բախտախնդիր և անկուշտ քաղաքականության հոգեբով, եթե հեռավոր ձեռնարկությանց համար սպառած զանձերու մի մասը միայն ընկերային, կրթական և ճարտարապետական նպատակներու համար գործածեր, երե սուեպ

<sup>5</sup> Ն ու յ ն տ ե դ ու մ, էջ 164:

<sup>6</sup> Ն ու յ ն տ ե դ ու մ, էջ 165:

<sup>7</sup> «Արևելյան մամուլ», 1876, հունվար, էջ 28:

իր դավանած և փառաբանված գիտությանը սկզբանց անհավատարիմ, անհավատա-  
րիմ չզտնվելու նաև բարոյական սկզբանց և փառափառության շահերու պատրու-  
վակապ անմեղ ժողովուրդներ չվերջովե՝ չջնջել, օտարներու հայրենիք չհափըջ-  
տակել և նուրբ դիվանագիտության փողին տակ բարբարոսության գործեր չկա-  
տարել: Եվ երբ անտարբերություն կեղծելով այն ընկերական հրատապ խնդիր-  
ներուն հնոցին առջև, որ շարունակ կեռա ու կմխա, տերություններն ահավոր  
բանականեր կպահեն կանգուն, առասպելական տուրքեր կգանձեն անդուլ, հեռա-  
վոր արշավանքներ կկազմեն շարունակ՝ գաղթականության և վաճառականու-  
թյան սահմանները ընդարձակելու փառամոլությամբ:

Ու՛վ կվնասե իր արյունովն ու դրամովը ազգաց օւինաց բռնաբարման հա-  
մար, երև ոչ ժողովուրդն, որ սակայն այնքան ստիպողական ներքին պետներ  
ունի հոգալու, այնքան տնտեսական, փառափառ պահանջներ ունի կատար-  
ված տեսնելու<sup>8</sup>:

Հրապարակախոսը քննադատական կրակ էր տեղում Անգլիայի գլխին, որը  
գաղութացրել էր հնդկ ժողովրդին, ստրկացրել աֆրիկական ու Ավստրալիայի  
մի շարք ցեղերի ու ժողովուրդների, հայ ժողովրդի արյան գնուլ Թուրքիայից  
զավթել Կիպրոս կղզին, իր ազդեցության տակ պահել Թուրքիան, Պարսկաս-  
տանը, Աֆղանստանը և Արևելքի այլ երկրներ: Անառարկելի է, որ Մամուրյա-  
նը մի պահ տարվել էր Անգլիայով, կարծելով, թե նա կարող է ազդել ինչպես  
Թուրքիայի, այնպես էլ Բեռլինի 1878 թ. կոնգրեսին մասնակից եվրոպական  
մեծ պետությունների դեսպանների վրա և հայ ժողովրդին, յսպես կոչված,  
«ինքնօրեննություն տալ»: Կոնգրեսից հետո Մամուրյանը Անգլիայից պահանջում  
էր կատարել իր ստանձնած պարտականությունները՝ ստիպել Թուրքիային, որ-  
պեսզի հայկական վիլայեթներում խոստացած ռեֆորմները կենսագործվեն,  
հայերը փրկվեն թուրքական, ինչպես նաև քրդերի ու չերքեզ աղաների ու բե-  
կերի հարստահարություններից: Կարճատև եղավ այդ պատրանքը:

Դեռևս ռուս-թուրքական 1877—1878 թթ. պատերազմի նախօրյակին, Մա-  
մուրյանը ճիշտ էր հասկացել Անգլիայի դիտավորությունները «Արևելյան հար-  
ցի» համար մղվող պայքարում: Պատերազմի սկզբում Մամուրյանը գրում էր.  
«Անկլիո քաղաքականությունը, ի՞նչ է, պատերազմին սկզբեն անոր հետևած  
գիծը կփնտռե՞մ ու չեմ գտներ, թերևս շատ նուրբ կամ երկդիմի է:— Զարմանք,  
դեռ չգիտե՞ս, որ չեզոքության քաղաքականություն է:— Սխալ է. Ալաշկերտի,  
Պայազիտի, Վանա գյուղերից ավերակները ձեր գործերն են»:

Ակներև է, որ հրապարակախոսը կոնգրեսից առաջ էլ գիտեր, որ Անգլիան  
հայերի համար ոչինչ անել չի ուզում և ինչ էլ որ թմրկահարում է, ելնում է  
միայն իր կառավարության տնտեսական ու քաղաքական շահերից:

«Արմեն (հայր) և Ֆիրմեն (անգլիացին)» վերնագրված դիալոգի բնույթ  
կրող հատվածում Մամուրյանը դիմազերծ էր անում «քրիստոնյա Անգլիային»,  
բացահայտում նրա ողջ ծրագրերը, ցույց տալիս նրա թաքուն նպատակները,  
որոնցից զրդված միայն վերջինս պաշտպան է կանգնում հայ ժողովրդին:  
«Իբրև քրիստոնյա՝ կհարցնեմ և ես քրիստոնեիդ... դո՞հ ես պատերազմի բռնած  
ընթացքն, դո՞հ է Անկլիա մեզի հասած աղետներն, դո՞հ է նվրոպա մարդկու-  
թյան դեմ գործած ոճիրներն: Մինչև ե՞րբ Անկլիա լուռ կմնա:— Որչափ ատեն  
որ անգլիական շահերը անվնաս մնան, պատասխանում է անգլիացին: Ուրեմն

<sup>8</sup> Նույն տեղում, 1885, հունվար, էջ 19—20:



քաղաքակրթության, ազատության ու մարդկության շահերը ձերիններուն հակառակ են: Անգլիացիին ասում է. Հնդկաստան, Շուեշ (Սուեզի ջրանցք—Հ. Ղ.), Տարտանել, Կ. Պոլիս, ահա մեր շահերու առանցքը:—Բայց ազգություններ պիտի ջնջվին:—Մեզի փուլթ չէ, քանի որ մեր շահերուն դպչող չկա»<sup>9</sup>: Մամուրյանը գտնում է, որ «Անկլիա Ասիո քրիստոնյա ժողովուրդները և մասնավորապես հայերը պաշտպանելու շահ չունի»<sup>10</sup>:

Բեռլինի կոնգրեսի որոշումների առիթով Մամուրյանը բողոքում է, թե Թուրքիան հապաղում է հայերին ունեցողներ տալ, և «այս հապաղումը Ֆրանսիո և Անկլիո պարզեն է մեզի, որոնք կարծես թե ի վերուստ սահմանված են Արևելքը խաղացնել... և արդարև այդ արևմտյան բարեկամության միջնորդությունը Ալեքսանդրիո ուժակոծությամբ կսկսի և Եգիպտոսի գրավմամբ կվերջանա»: Մամուրյանը մերկացնում էր Անգլիայի վարած քաղաքականությունը հենց անգլիացիների, ավելի ճիշտ իռլանդացիների նկատմամբ: «Իռլանդացիք՝ ազարակային օրինաց օգուտները անբավարար համարելով՝ միշտ կբողոքեն Անկլիո բռնակալության դեմ և պ. Բառնելի առաջնորդությամբ իրենց անկախության խորհուրդները կմտածեն»<sup>11</sup>:

Մ. Մամուրյանի ինչպես «Մեկ լեռին մարդը» վեպից, այնպես էլ նրանից առաջ ու նրանից հետո հրապարակված հոդվածներից ակնհայտ է, որ հեղինակը բացասաբար էր տրամադրված «ժամանակի Եվրոպայի և Ամերիկայի այսպես կոչված» առաջավոր պետությունների վարած ներքին և արտաքին քաղաքականության հանդեպ: Բոլոր դեպքերում նրա համակրանքը ժողովուրդների կողմն է, այն ժողովուրդների, որոնք հարստահարվում են, ճնշվում՝ աշխարհում մինչ այդ եղած ամեն տիպի կառավարող շրջանների կողմից. դա լինելու ռեսպուբլիկական Ֆրանսիան, թե սահմանադրական Անգլիան, «ռամկավարական» Ամերիկան, թե «համայնավարական» Շվեյցարիան: «Ոչ միայն հին, այլև ժամանակակից պատմության մեջ կտեսնենք,—գրում է Մամուրյանը,— թե քանի քանի ժողովուրդներ ու ազգեր, թեև մեծագույն ազատության և ինքնուրույնության ընդունակ, իշխանական ծանր գավազանի ներքև ճնշված են և դեռևս կճնշվեն... Այդ ժողովուրդները գրեթե բոլորովին անազատ են իրենց միջազգային հարաբերությունները ըստ հաճույս տնօրինելու»<sup>12</sup>:

«Երբ մերթ ընդ մերթ ժողովուրդ մը հեղափոխի,— գրում է Մամուրյանը,— անոր բերանը՝ զիջումներու անվամբ՝ շաքարի կտոր մը կդնեն, որպեսզի հանդարտի, ինչպես լալկան տղու մը բերանը. երբ ազգերն ինքնահորդոր կամ արտաքին ազդեցությամբ ընգվզին իրենց բնիկ կառավարությանը դեմ, իսկույն ուրիշ տերություններ մեջ կմտնին, ամենե հանդուգն ու ավելի պաշտպան ունեցող ժողովրդյան ինքնօրենություն, հող կնծայեն և այս ամենը միջազգային դաշնագրությամբ մը պսակելով, կկարծեն, թե աշխարհի խաղաղությունը վերահաստատած են, շատ ժողովրդոց վերքերը բուժած եղան, թեև իրոք միայն նոր-նոր շարիք բերած, հասուցած են այն ժողովրդոց, որ օրինավոր ճամբով արդարության և ճշմարտության հասնելու դեռևս հույս կտածեին: Ահա այդպիսի արիության և բժշկության փորձ զգաց մանավանդ Պեռլինի վեհաժողովն, երբ

<sup>9</sup> Ն ու յ ն տ ե գ ու մ, 1877, էջ 257:

<sup>10</sup> Ն ու յ ն տ ե գ ու մ, էջ 104:

<sup>11</sup> Ն ու յ ն տ ե գ ու մ, 1883, էջ 105:

<sup>12</sup> Ն ու յ ն տ ե գ ու մ, 1881 էջ 12:

Արևելքի մեջ ծագած ահագին ընկերային հրգեհր մի քանի հողվածներով մարելու ելավ»<sup>13</sup>։

Այսպիսով, ասիական երկրներից պարսկական, թուրքական և հրապարակախոսի դասակարգումով ռուսական-ցարական-միապետական կարգերի քննադատության կողքին, ընթերցողը նրա մոտ հանդիպում է նաև եվրոպական այսպես կոչված հանրապետական կարգերի քննադատությանը։ Բոլոր դեպքերում Մամուրյանը քննադատում էր պետական այդ կարգերը ոչ թե լիբերալ ռեֆորմների սպեղանիով բուժելու նպատակով, այլ դրանք ոչնչացնելու և նոր ավելի կատարյալ ու ժողովրդական պետական ձև ստեղծելու պատրանքով։

Մամուրյանը ժողովուրդների իրավունքների պաշտպան էր, մինչև այդ եղած պետական ձևերի թշնամի։ Նա եվրոպական ժողովուրդների քաղաքական շահերը չէր բաժանում ասիական ժողովուրդների շահերից, այդ թվում հայ ազատագրական շարժումների հաղթանակի հեռանկարները նշմարում էր ժողովուրդների համընդհանուր զինված պայքարից հետո ձեռք բերվելիք հաղթանակի հորիզոնների մեջ։ Մամուրյանի գաղափարախոսությունը այս վեպում և ընդհանրապես զերծ էր ինքնաբավ ու եսակենտրոն նացիոնալիզմից։ Վեպի մեջ հեղինակը արժարժում է աշխատավոր մարդկության ռևոլյուցիոն համընդհանուր պայքարի գաղափար, պայքար, որը պետք է պատմության աղբակույտը նետեր տիրապետող վերնախավերին և նրանց սպասարկող պետականության նսամաշ ձևերը։

«Պետությունները այսօր մեծ, հզոր հաղթական են, վաղը փոքր տկար և անհետ կդառնան, իսկ ու մինակ անիրավության և բռնության կծառայեն՝ օրին մեկն իսպառ պիտի ջնջվին և նոր առույգ և լուսամիտ սերունդի մը տեղի պիտի տան», — գրում է Մամուրյանը։ Դեմոկրատական այս ուտոպիան է, ահա, կազմում քննարկվող վեպի գաղափարական առանցքը։

Մ. Մամուրյանը մեկընդմիշտ դեմ է եղել պետությունների այն քաղաքականությանը, որոնք տերիտորիաներ նվաճելու, վաճառահանման շուկաներ ունենալու, զարգացող արդյունաբերությունը անհրաժեշտ բանվորական ուժով ապահովելու նպատակներով գերեվարում էին ժողովուրդներին, շահի ակնկալությամբ միլիոնավոր անմեղ մարդկանց արյուն թափում։ Այդ պատերազմները անարդարացի պատերազմներ էին և մերժվում էին հրապարակախոսի կողմից։ Սակայն կային և արդարացի պատերազմներ, ազգային ազատագրական և ռևոլյուցիոն շարժումներ, որոնք ազատություն էին բերում ճնշված մարդկությանը և դրվատվում էին Մամուրյանի կողմից։ «Եւ այց կա արդար և կա անիրավ պատերազմ, — գրում է Մամուրյանը, — երբ իբրև ծայրագույն դաժման ընդունվի այդ պատուհասը, երբ մարդկային իրավանց և արդարության իբրև վահան նկատվի այն (անարդարացի պատերազմը — Հ. Ղ.), ո՞ւր է այդ իրավունքը, ո՞ւր արդարությունը»<sup>14</sup>։

Անարդարացի պատերազմներին հակադրելով ժողովրդական ռևոլյուցիան, քննադատելով լիբերալ ռեֆորմիստների «խաղաղասիրական քարոզները», Մ. Մամուրյանը գրում էր. «Խաղաղասիրական միջոցներով արդարության ու ազատության հաղթանակներ տանելու ժամը չէ հասած տակավին, ըստ մեզ քանի որ դեռ կան ազգեր ու կտառապեն բռնակալության և անիրավության

<sup>13</sup> Ն ու յ ն տ ե գ ու մ, 1881, էջ 13։

<sup>14</sup> Ն ու յ ն տ ե գ ու մ, 1877, էջ 257։



երեսեն, կան ազգեր, որ բռնազբոսիկ խավարի ու տգիտության մեջ կմաշին, կան ազգեր, որոնց ակներև իրավունքն ու շահերը ոտնահար կմնան: Հետևապես՝ ինչ-որ իրավագիտություն, ինչ որ միջազգային արդար օրենք, ինչ որ մարդասիրություն, ինչ որ գիտություն ու լուսավորությունը չեն կարող վնասել անցյալ այլ կենդանի ազգերու նկատմամբ, զենքի պիտի վնաս, և երբ զենքն արդար դատի և իրավունքի նամար կշողա ազգերու ձեռք, այդ զենքն հառաջադիմության և բազմակերպության սատարող անհրաժեշտ, հզոր ու օրենքալի գործի մը կդառնա»<sup>15</sup>:

Ակնհայտ է, որ Մամուրյանը ճիշտ է, ոչ շատ հստակ ձևով, բայց և այնպես մերձենում ու հանգում էր եվրոպական ու ասիական ժողովուրդների ունեցող համընդհանուր պայքարի գաղափարին: Ըստ Մամուրյանի եվրոպական ժողովուրդներն այդ պայքարին պատրաստ են, ուստի հարկավոր է ոչ միայն վերացնել ցարական բանակի վտանգը Եվրոպայի ունեցողների համար, այլ ուսումնասիրել ևս նախապատրաստել պետություններին ու կառավարողներին սպասող «անկողնադատաստաններ»:

Քննադատելով ցարիզմի ազգային և գաղութային քաղաքականությունը, Մամուրյանը մոռացության չէր տալիս ուսումնական, նրա կատարած պրոգրեսիվ գերի Արևելքի ժողովուրդների նկատմամբ: Նա ճիշտ կերպով տարաբանում էր ուսումնական ժողովրդի շահերը ցարիզմի շահերից ու հավատում այդ մեծ ազգի փայլուն ապագային: Մամուրյանը մեկն էր XIX դարի այն մտածողներից, որոնք տեսնում էին ոչ թե մի, այլ երկու Ռուսաստան: «Ռուսիա նոր մե, — գրում է Մամուրյանը, — որմե պիտի ծնի Որմիզդ և Արհմ: Բայց Ռուսիա բուն կառավարությունը չէ, կառավարություն մը պատահական կամ ժամանակի ու ժողովրդյան հանգամանաց արդյունք է, որ ժողովրդյան հառաջագիմության ու ժամանակի հետ կայլափոխի»: Իսկ ցարիզմի մասին գրում էր. «Արդ Ռուսիա (ցարիզմը — Հ. Ղ.) ներկայիս մեջ զենքով չընկճիր, զի զենքն իր արվեստն է, հրդեհելը իր փրկությունը, շղթայելն իր ապահովությունը: Մարդկային կոշտ մարմիններ կենտե պատերազմի ասպարեզը, վասնզի իրեն համար ճատրակի մը քարերուն չափ արժեք չունին այդ անոգի մարմինները»<sup>16</sup>:

Մի կարևոր հանգամանք ևս: Մամուրյանի այս վեպում ցցուն կերպով լզացվում է Մ. Նալբանդյանի ծրագրերի, ըմբռնումների ու արժարժած հեռանկարների ազդեցությունը, մասնավորապես Ռուսաստանի ապագային վերաբերող նրա մարգարեական շնչի արգասավոր ներգործությունը: Մամուրյանը պրակտիկ ու գաղափարական սերտ կապերի մեջ է եղել Մ. Նալբանդյանի հետ: Արևմտահայերից նա միակն էր, որ հասկացավ Նալբանդյանի բանտարկության և աքսորի իսկական պատճառը, այսինքն նրա ունեցած կապերը Լոնդոնի ունեցողներին վտարանդիների հետ: Նալբանդյանի բանտարկությունից հետո Մամուրյանը չափազանց բացասաբար տրամադրվեց իրեն գաղափարամերձ ուսանայ մեծ հրապարակախոսին հալածող ցարիզմի նկատմամբ: Սիրիի ձյունածածկ տարածությունները հաճախ սև դույներ են ստանում հրապարակախոսի հողավածներում: 1866 թ. նա տպագրում է «Ազատության երգը» բանաստեղծությունը, ապա Նալբանդյանի գերեզմանը պատկերող ձյունածածկ բեմահարթակից արտասանում նրա մարտաշունչ տողերը: Նալբանդյանը չի մո-

<sup>15</sup> Ն. Ու. յ. Ն. տ. Ե. Ե. Ե. 1880. մարտ. էջ 97:

<sup>16</sup> Ս. Լ. Լ. Լ. մարտ. էջ 163:

ռացված նաև այս վեպում: Յարական կառավարությունը ազատության մունետիկների վրա «իր հսկողությունը կկրկնապատկե ե երբ կայծ մը անգամ տեղ մը տեսնե,— գրում է Մամուրյանը,— զայն մարելու համար սիպիրյան սառնամանիք անոր վրա կթափե»<sup>17</sup>: Համակրելով Նալբանդյանի գաղափարները, Մամուրյանը չէր կրկնում դրանք բառացիորեն, այլ յուրովի արծարծում ու զարգացնում էր այնտեղ ամփոփված մի շարք ճշմարտությունները:

«Սև լեռին մարդը» վեպի հեղինակը գտնում էր, որ միայն ցարիզմի տապալումից հետո ռուս ժողովուրդը կվերածնվի. տնտեսապես կզարգանա և ավելի գործունյա կդառնա: «Եվրոպական տերությունները կամ լավ ևս ըսեմ ժողովուրդները,— գրում է Մ. Մամուրյանը,— այն ժամանակ պիտի հաղթանակեն, երբ որ ստիպեն իրենց կառավարությունները որ անոր (ցարիզմի — Հ. Ղ.) հետ չդաշնակցին, երբ որ անոր ժողովրդյան հետ իրենք նիզակակցին մտապես ու բարոյապես, անդադար լույս սփռելով, գիտություն տարածելով այն մարդկային անապատներու մեջ ուր ավելորդապաշտություն և մոլեռանդություն շարունակ կճարակեն: Զատե ռուսերն իրենց գլխեն և մարմինը կվերածնին, ընկերասեր, զվարթ, գործունյա ընտիր ժողովուրդ մը կդառնա»<sup>18</sup>: Այսպես կարող էր գրել միայն մի հեղինակ, որ մտովին արձագանքում էր «Երկրագործությունը որպես ուղիղ ճանապարհ» աշխատության էջերում արծարծված ռևոլյուցիոն գաղափարներին:

Ի հակադրություն լիբերալ բուրժուական մտավորականների, որոնք ինչպես արևելահայ, այնպես էլ արևմտահայ իրականության մեջ Արևմտյան Հայաստանի ազատագրման հույսերը կապում էին ցարիզմի՝ դեպի Թուրքիա կատարած միջամտության հաջողության հետ, Մ. Մամուրյանը յուրովի պաշտպանում էր Մ. Նալբանդյանի ռևոլյուցիոն դեմոկրատական ուղեգիծը: Հայաստանի ազատագրումը նա տեսնում էր ռուսական ռևոլյուցիայի հաղթանակի, ցարիզմի տապալման, նոր ժողովրդական կարգերի ստեղծելու հեռանկարների մեջ:

Նալբանդյանական ուղիով ընթանալուց վատ, ինչ կարող էր Մ. Մամուրյանին մղել դեպի ռուսական ռևոլյուցիան, այնքան մանրակրկիտ կերպով ուսումնասիրել նրա հասարակական ու պետական կարգը, տալ հետաքրքիր կռահումներ Ռուսաստանի ապագայի մասին, կռահումներ, որոնք մի քանի տասնամյակ հետո վերածվեցին անջնջելի իրականության:

Մ. Մամուրյանը, դեռևս 1872 թվականին էր նկատել, որ Ռուսաստանում կազմակերպվում են «նոր Ռուսիա» երազող մարդկանց առանձին խմբակներ: «Ռուսիո մեջ անգամ,— գրում է նա,— պետության տարբեր նպատակի համար սնուցած համասլավյան քողին տակ՝ ազատամիտ խմբակներ կխլրտեին և նոր Ռուսիա մը կերագեին»<sup>19</sup>: Տարօրինակ զուգադիպություն, այստեղ Մամուրյանը կարծես թե նկատի ուներ այն, ինչ Մարքսը և էնգելսը անվանում էին «դեմոկրատական պանսլավիզմ»<sup>20</sup>: 1875 թ. Մամուրյանը նշմարում էր արդեն, որ գնալով ուժեղանում են ռևոլյուցիոն շարժումները: «Սակայն այս այտնի է,— գրում է նա,— որ Ռուսիան շրջապատող չինական ամբարտակը՝ լուսո և ազատության դեմ չկրնար հավետ կանգուն մնալ և արդեն խուլ շարժումներ և բուռն դեղեր, ընկերական ծանր հիվանդությանց նշաններ և հեղա-

<sup>17</sup> Ն ու յ ն տ ե ղ ու մ, էջ 44:

<sup>18</sup> Ն ու յ ն տ ե ղ ու մ, էջ 165:

<sup>19</sup> «Արևելյան մամուլ», 1872, էջ 26:

փոխությունց կարաստներ կերեին...»<sup>20</sup> 1877 թ. ռուս-թուրքական պատերազմի նախօրյակին, քննադատելով ցարիզմին, Մամուրյանը գրում էր. «Ռուսիա սահման մը ունի ուր կանգ պիտի առնու: Իր ծոցը կսնուցանե գաղտնի ինչ որ օրին մեկ՝ հալածական ազատությունը, զինք պիտի լավե կործանե և նոր Ռուսիա պիտի ծնե»<sup>21</sup>:

Բնույնի կոնգրեսում Ռուսաստանի Անդլիային արած զիջումների պատճառը Մամուրյանը համարում է ռեոլյուցիոն շարժումների ուժեղացումը երկրի ներսում, որը նոր Անգլո-ռուսական պատերազմի ժամանակ կարող էր սրբել ցարական իշխանությունը: «Կորչագույն պատվով զիջումներ ընելու տրամադիր կերևի,— գրում է նա,— Շուվալովֆը Զարին հետ կտեսնվի և Ռուսիա որչափ անկլիական սպառնալից զորությունն նույնչափ ներքին հեղափոխական թագուն շարժումներ կերկնչի: Արդարև՝ նոր անկլո-ռուսական պատերազմ մը կրնար ներքին ընկերական հեղափոխություն մը բերել, և ընդհանուր քաղաքական փոփոխիկ մը հարուցանել Հյուսիսային պետության մեջ, կայսերական գահը վտանգի մեջ դնելով»<sup>22</sup>:

1880 թ. Անգլիայում ուժեղանում էր ֆենինների շարժումը: Մամուրյանը գտնում էր, որ Բրիտանական պետությունը պետք է Իռլանդիային ազատություն տա, այլապես ժողովուրդը կվճռի իր բախտը, կնախապատրաստի ռեոլյուցիոն պայքարի, կանխապես կզինվի այնպես... «Ինչպես Ռուսիան, որի ժողովուրդն ու կառավարությունը իրար դեմ զինված կսպասեն»<sup>23</sup>: Կգա օրը, երբ այդ սենքերը «գործի կդրվեն և ժողովուրդը կհասնի յուր բաղձանքին՝ ընկերային ազատության»: Ռուսական ռեոլյուցիայի և Ռուսաստանի ապագայի ճշգրիտ կանխորոշումը տրվեց «Սև լեռին մարդը» վեպի երկրորդ մասում, որը մինչև օրս էլ մնացել է անծանոթ գալառ հայ բանասիրության համար:

«Սև լեռին մարդը» վեպի երկրորդ մասում Մ. Մամուրյանը զարգացնելով Մ. Նալրանդյանի գիծը, կես դար առաջ գիտական կանխատեսությամբ կարողացավ տեսնել ռուսական հեռավոր ռեոլյուցիան, որի հաղթանակից հետո կստեղծվեր փայլուն ապագա ոչ միայն ռուսների, այլ նաև ցարական Ռուսաստանի տիրապետության տակ հեծող մյուս բոլոր ժողովուրդների համար: Նրա կարծիքով այդ ռեոլյուցիայից հետո կստեղծվեր նոր Ռուսաստան, որի կազմում մտնող ժողովուրդները ազատ լինելով սոցիալ-քաղաքական բոլոր տիպի ճնշումներից, կստեղծեին դեմոկրատական պետություն և կկառավարվեին ֆեդերատիվ սկզբունքներով:

Այն ժամանակ, երբ Ռուսաստանում տակավին նոր էին սկսվել ճորտատիրական կարգերի դեմ բարձրացող գյուղացիական շարժումները, դեռ նոր էր կազմավորվում բանվոր դասակարգը, երբ նվրոպան էր համարվում ռեոլյուցիոն շարժումների կենտրոնը, Մ. Մամուրյանը գրում էր. «Երև այս ժողովրդային հեղաշրջումը վրիպի, փառապանք պիտի գա անվրեպ և Ռուսիան պիտի ալեկոծե, պառակտե: Կգուշակեմ արդեն այդ հեղափոխության պայմանները... Ինք ապագային մեջ կերևակայեմ նոր Ռուսիա մը, չէ քեզ ատ-ատ տերություններու բաժանված, զատ-զատ կառավարությանց ներքև, այլ դաշնակցած Ռուսիա մը՝ ամեն հարստական կապերն ազատ՝ որու այլադեմ ու այլասեռ

<sup>20</sup> Ն ու յ ն ա ե դ ու մ, 1875, էջ 481:

<sup>21</sup> Ն ու յ ն ա ե դ ու մ, 1877, էջ 143:

<sup>22</sup> Ն ու յ ն ա ե դ ու մ, 1878, էջ 33—33:

<sup>23</sup> Ն ու յ ն ա ե դ ու մ, 1880, էջ 97:





ծունեության և միջոցներու վրա, որոնց վրա ուշադիր ընթերցողը կարող է գաղափար կազմել վեպի ընթացքի մեջ»:

Իրավացի էր Հրանար: Առանց վեպի երրորդ մասի էլ, հայտնի են Մամուրյանի «հեղափոխական» կամ ընդհանրապես հայ ազգային-ազատագրական շարժումների ծրագիրը, որոնց իրականացումը անբաժան պետք է լինեին ապագա ռուսական ռևոլյուցիայից:

Լստ Մամուրյանի՝ ոչ հեռավոր ապագայում Ռուսաստանում, ովք Ասիայում և գուցե նաև Եվրոպայում կատարվելու էին ռևոլյուցիոն խոշոր հեղաշրջումներ: Ի՞նչ պետք է աներ հայ ժողովուրդը այդ կարևոր պահին, ահա այս հարցն է, որ հուզում էր հեղինակին և ահա այս էր նրա վեպի կենտրոնական խնդիրը: «Այս քաղաքական ալեկոծության ժամանակ,—գրում է նա,— հայկական նավն, Նոյան նոր տապանն, ուր պիտի կենա այս անգամ, պիտի գտնե Մասիս մը, թե ոչ պիտի սուզի անկանգնելի կերպով ժողովրդոց անդունդին մեջ: Այս է մեզի համար կարևորը, և այս կախում ունի ներկայիս մեջ մեր բռնելիք ընթացքն: Իմ բուն նպատակս այդ ընթացքին ուղղություն տալն էր, հայր այդ մեծ և բազմահույզ ապագային պատրաստելն էր»<sup>26</sup>:

Ինչպես հրապարակախոսական բնույթի մյուս բոլոր գործերում, այնպես էլ իր վեպում, Մ. Մամուրյանը ձգտում է հայ ժողովրդի նախապատրաստմանը «այդ մեծ դատին»՝ համընդհանուր ռևոլյուցիայի մեծ արարքին: Հրապարակախոսը գտնում էր, որ հարկավոր է կրթել, լուսավորել հայ ժողովրդին, նրա մեջ զարգացնել հայրենասիրության պաթոս, օտար բռնակալների դեմ մարտնչելու «անհագ կիրք»: Վեպում մեծ տեղ է տրվում նաև ժողովրդի տնտեսական զարգացման խնդիրներին: Մամուրյանի կարծիքով հարկավոր է երկրում զարգացնել մեքենայական արտադրություն, մեքենայացնել գյուղատնտեսությունը, զարկ տալ «ազգային առևտրին» (ի դեպ, այս կետերում ևս զգալի է «Երկրագործությունը որպես ուղիղ ճանապարհ» աշխատության ազդեցությունը), կառուցել նոր քաղաքներ, լավացնել հաղորդակցության ճանապարհները, անցկացնել երկաթգծեր, քաղաքներում «տրամվայներ... երկաթի գործարաններ, արհեստանոցներ հաստատել... գլխավոր քաղաքներու մեջ դպրոցներ, տպարաններ, թերթեր հիմնել, գյուղերու մեջ վարժարաններ բանալ...»: Տնտեսական ժամանակի իմաստով այս հսկա «հեղաբեկման» իրականացման համար հարկավոր էին միայն «աշխատություն», «հարատևություն» և «միություն»: Տնտեսական զարգացումից, կրթվելուց, լուսավորվելուց հետո պետք է զինել հայ ժողովրդին. «Սուր մտքին պետք է միանա կտրուկ թուրը,—գրում է Մամուրյանը,— այդ թուրն անոր ձեռքը տալու ելա այս անգամ, որ քիչ մը վարժի... քանզի իմ շուրջս միայն խաղաղություն և հանդարտություն ցանկացող ոչխարներ կտեսնեմ, որոնք ավելի կսիրեն խուզվել քան թե խուզել»:

Հայ ժողովուրդը զինված ապստամբության միջոցով պետք է թոթափեր ոչ միայն սուլթանական, այլ նաև ցարական լուծը, յուր ճակատի վրայից մաքրեր անցյալի «մրի հետքերը» և ապացուցեր, որ ինքը ոչնչով հետ չի մնում մյուս ժողովուրդներից: «Վատության այդ ախտը սրբելու համար,—շարունակում է Մ. Մամուրյանը,—արյան հեղեղներ պետք են»:

Վեպում որոշակի տեղ է գրավում հայ ժողովրդի ազգային-ազատագրական պայքարի գաղափարախոսությունը: Հավատարիմ յուր սկզբունքներին,

<sup>26</sup> Ն ու յ ն տ ե ղ ու մ, էջ 165—166:



Մ. Մամուրյանը վեպի երկրորդ մասի շարադրումից իսկ սկսում է հայ և վրաց ժողովուրդների, այդ թվում նաև, ինչպես տեսանք, թուրք և պարսիկ ժողովուրդների նախապատրաստությունը ազգերի ազատագրական համընդհանուր պայքարին: Այնպիսի կերպարներ են ստեղծվում, որոնց գործելակերպին տեղյակ ընթերցողը չի կարող չմտահոգվել ժողովրդի բախտով, չոգևորվել այդ հերոսների գործունեությամբ, չձգտել խտացնելու նրանց շարքերը:

Մամուրյանը գտնում էր, որ ազատագրական շարժման հաղթանակի ամենակարևոր գրավականը միասնականությունն է. «...Եթե իմ բազուկիս ու սրտիս պես հազարների բազուկներ ու սրտեր նվիրվեին քեզ,—գրում է նա,—այդ շափ արյունալի չպիտի տեսնեի արևդ, չպիտի լսեի այն արձագանքն որ լեռն լեռ ու ձորն ձոր ողբ ու կոծդ կկրկնեն»:

Այս և հարանման բազմաթիվ փաստերից ականհայտ է, որ Մ. Մամուրյանը 1880-ական թվականներին ևս զինված ապստամբության միջոցով էր լուծում ոչ միայն ուսու և վրաց ժողովուրդների, այլև հայ ժողովրդի ազատագրման հարցը: Վեպի ամենաարժեքավոր կողմերից մեկն էլ այն է, որ Մամուրյանը առաջադրում է հայ և վրացի ժողովուրդների ուղիղ ղեկավար ղաջինֆի հարցը: Վրացուհի Նուրեմը, ազատատենչ կնոջ այդ անմեռ կերպարը, այն զորեղ կամուրջն էր, որը պետք է Արարատը կապեր Կովկասյան լեռնաշղթայի հետ, «Հայաստանը Վրաստանի հետ», «Արաքսի Քուռի հետ»: Մ. Մամուրյանի հերոսի՝ Սև լեռին մարդու՝ Վարուժանի դաստիարակն ու հոգևոր սնունդ տվող այդ վրացուհին դիմելով յուր երբեմնի նիզակակիցներին, իսկ նրանց միջոցով հայ ժողովրդին, ասում էր. «Անբաժան պիտի մնամ... Հայաստանն, որ իմ կենացս քնքուշ ծաղիկն առալ, և փոխարեն ինձ տվավ վարդ մը փշալից... որով Կովկասու սարերն օրին մեկը Արարատա սարերուն հետ պիտի կապե, ինչպես որ երբեմն Հայկազունք արենակցությամբ և քաղաքականությամբ կապված էին իմ լեռնցի նախահարցս հետ, որ ասիական ամեն տեսակ բռնակալությանց մեջ ազատության կոթողն իրենց շքեղ լեռներուն պես կանգուն պահեցին և անոնց նոր սերունդն, որ ցարդ կմաֆառի հսկա տերության մը դեմ՝ անշուշտ պիտի հաջողի՝ երե մերք ընդ մերք ընկնի ու մատնվի անգամ Ասիո ամենե կոռովի և ազատ ժողովուրդը դառնալ՝ Արարատյան ժողովրդոց հետ միանալով... ապագա դեպքեր ու պարագաներ կհուսամ որ պիտի հաստատեն»<sup>27</sup>: Բավական է հիշատակել այն փաստը, որ ապագա հեղափոխականը, «հայերի փրկության հույսը»՝ Սև լեռին մարգր կրթություն և դաստիարակություն էր ստացել Վրաստանում, այնտեղ կազմակերպել յուր «արիական գունդը», որի մեջ մտնում էին եղբայրական կապերով իրար հետ նիզակակցած հայեր և վրացիներ: Մամուրյանը ոչ միայն հեռու էր ազգային նեղամտությունից, այլ ազգերի եղբայրական կապերի կողմնակից էր, կապեր, որոնք պիտի կոփվեին ազատագրական համընդհանուր պայքարում: Վեպում շոշափվում է նաև կանանց խնդիրը: Այս հարցում ևս Մամուրյանը ոչ միայն ընկալում, այլև զարգացնում էր նախնադյանի մտքերը: Վիպասանի տեսակետները այս խնդրի կապակցությամբ առավել արմատական էին դարձել: 1860-ական թվականներին գրված «Անգղիական նամականի» հերոսուհի, ազգի կրթության ու լուսավորության գործին նվիրված, բարեփոխությունների սիրահար Հիլին, այստեղ գալիս են փոխարինելու վրացուհի Նուրեմը և Զորայի կին Նվարդը:

<sup>27</sup> Ն ու յ ն ա ե գ ու մ, էջ 309—310:



Նուրեմը հայրենիքի համար մղվող պայքարում քաջարի զինվոր է, ճարպիկ ու բանիմաց, ուժեղ ու կորուլի. ազնիվ, որի ունեցած բոլոր հատկանիշների կոմպլեքսը նրան դարձնում են իդեալական կերպար հայ և վրացի կանանց համար: Ազնիվ լինելուն զուգընթաց, Նուրեմը վրեժխնդիր է: Նա ատում է դավաճաններին (Հերենց), մատնիչներին և հայրենիքի համար պայքարելն ու մեռնելը իդեալ է նրա համար: Բարոյական հարցերում վրիժառու էր Նուրեմը: Նա ատում էր բոլոր նրանց, ովքեր չէին հարդում կնոջ առաքինությունը, չէին դնահատում նրա անկեղծ ու անկաշառ սերը:

Մամուլյանը արժանիքներով է զարդարել նաև իր մյուս հերոսուհուն՝ Նվարդին: Նվարդի բերանով վիպասանը դենքի է կոչում հայ կանանց, որպեսզի, եթե ոչ Հայաստանն ազատագրեն, գեթ կարողանան պաշտպանել իրենց: «Տվեք ինձ որդուս զենքերը, — պահանջում է Նվարդը, — ես ալ կարող եմ, եթե ոչ ձեզ՝ ինքզինքս պաշտպանել և չեմ ուզեր կարծել տալ, որ եթե ոչ առնական, բարոյական քաջություն չունին հայ կանայք: Այս է իմ փափաքս և հուսամ, որ չեք զլանար ինձ ձեզի հետ կռվելու պատիվը...»:

Հայ կանանց խնդիրը պետք է լինե՝ ոգևորել իրենց ամուսիններին, նրանց պայքարի հանել ազգի ազատության համար, իրենք ևս անմասն չմնալով այս պայքարից: «Եթե ես այդ լինեի, — ասում է Մամուլյանի հերոսուհին, — ես ալ բանտ, շղթա, աքսոր, մահս անգամ աչքս կառնեի, որպեսզի հայրենի սլարտքս կատարեմ, սակայն Զորա անիրավ է, եթե կարծե, թե Նվարդը բավական արիություն չունի իրեն բախտակից լինելուն»: Այսպիսով, կինը այս վեպում ոչ միայն գործադուր մայր է, ժողովրդի լուսավորության գործին նվիրված ուսուցիչ, այլև արիասիրտ, ազատագրական պայքարի դրոշի ներքո մարտնչող մի զինվոր:

Վեպի լեզուն հղկված, մշակված աշխարհաբար է, ոճը հարթ է ու սահուն: Ընթերցողը գեղարվեստական հաճույք է ստանում այդ վեպից, լարված կերպով հետևում դեպքերի ընթացքին: Հեղինակը որպես գեղարվեստական հնարանք, օգտագործում է վեպում կատարվող ողջ իրադարձությունները մեկ կամ երկու մարդու միջոցով պատմելու ձևը: Այս տեսակետից «Ան լինին մարդը» վեպի վրա զգացվում է Վալտեր Սկոտի, հատկապես «Իվանոն» ազդեցությունը:

Սակայն կրկնում ենք, որ մեզ այստեղ ավելի քան զբաղեցրել է «Ան լինին մարդը» վեպի գաղափարական կողմը և նրա հեղինակի առաջադրած ծրագրերի հետագա իրականացման հնարավորության խնդիրը: Այս տեսանկյունից նայելով, չպետք է մոռանալ, որ Մ. Մամուլյանի գործը գրվել է մի ժամանակ, երբ Արևմուտքում ու Թուրքիայում արդեն հանդես են եկել հեղինակի հուզող գաղափարների անդրանիկ մունենտիկները և սակայն դեռ չէին դարձել մասսայական լայնահուն շարժման պարագլուխներ: Վեպի մեջ ձևակերպված առաջավոր մտքերի ու տրամադրությունների ընկալման ու տարածման համար Առաջավոր ասիական իրականությունը, այդ թվում նաև արևմտահայ միջավայրը դեռ չէր հասունացրել նպաստավոր ուլայմաններ: Իր շրջադրության մեջ հեղինակը դեռ չէր նշմարել դասակարգային շարժիչ այն ուժերը, որոնց վրա հենված, նա պիտի կարող լինե՝ արգասավոր պայքար սկսել իր դավաճանած գաղափարների կենսագործման համար: Այդ է հենց պատճառը, որ վեպի հերոսները հանդես են գալիս սոսկ հեղինակին սպասարկող ձայնավորների

գերում, բայց դեռ չեն հանդիսանում գեղարվեստական համոզիչ կերպարներ, իրական ու կենդանի պերսոնաժներ:

Գեղարվեստական արժանիքներից առավել անհամեմատ ավելի նշանակալից են վեպի գաղափարական արժանիքները: Ուտոպիստական իր երանգներով հանդերձ, Մամուրյանի վեպը դրսևորում է հեղինակի հասարակական առաջավոր դավանանքը, նրա զարմանալի պայծառատեսությունը, նրա շատ սկզբունքների բացառիկ ճշմարտությունը: Գրական ուշագրավ երկ լինելուց առավել, «Սև լեռին մարդը» XIX դարի 70-ական թվականների հայ դեմոկրատական մտքի պատմության նշանավոր մի հուշարձան է: